

Na osnovu odredbi Statuta Vakufske direkcije (Službeni glasnik Islamske zajednice u BiH br. 5-6/99), Upravni odbor Vakufske direkcije donosi slijedeća

**PRAVILA**  
**o načinu izdavanja u zakup vakufskih stanova za potrebe imama i drugih uposlenika**  
**Islamske zajednice u BiH**

**Član 1.**

Ovim Pravilima se uređuje način izdavanja u zakup vakufskih stanova imamima i drugim uposlenicima Islamske zajednice dok su u radnom odnosu unutar organa ili ustanova Islamske zajednice na čijem području se nalazi vakufski stan.

**Član 2.**

Prilikom izdavanja vakufskih stanova, a radi utvrđivanja visine zakupnine, vakufske stanove dijelimo u tri zone i to:

- gradska zona,
- prigradska zona,
- seoska zona.

**Član 3.**

Vakufski stanovi u gradskoj zoni su stanovi čije sjedište se nalazi na teritoriji gradske općine.

Vakufski stanovi u prigradskoj zoni su stanovi koji se ne nalaze na teritoriji gradske općine već u neposrednoj blizini gradske zone.

Vakufski stanovi u seoskoj zoni su oni stanovi koji se nalaze na teritoriji sela.

**Član 4.**

Sa svakim zakupcem stana se potpisuje poseban ugovor o zakupu.

Vakufska direkcija će sačiniti prijedlog ugovora iz predhodnog stava i isti dostaviti svim medžlisima IZ u BiH.

Ugovor sa zakupcem potpisuje nadležni medžlis IZ-e, druga ustanova Islamske zajednice ili Vakufska direkcija direktno.

Ukoliko ugovor potpisuju nadležni medžlis IZ-e ili druga ustanova Islamske zajednice, za isti je potrebna posebna saglasnost Vakufske direkcije.

Vakufska direkcija može jednom saglasnošću dati saglasnost na više ugovora na području jednog medžlisa.

**Član 5.**

Utrošak prihoda od zakupnine stanova će se vršiti u skladu sa Pravilima o utrošku prihoda nastalih korištenjem vakufskih nekretnina.

Do donošenja Pravila o utrošku prihoda nastalih korištenjem vakufskih nekretnina, sredstva od zakupa vakufskih stanova trošit će se za potrebe vakufa kojim predmetni stan pripada.

**Član 6.**

Ova Pravila stupaju na snagu 8 dana od dana donošenja.

Broj: 09-04-1-230/12.  
Datum: 06.03.2012.g.



Predsjednik Upravnog odbora

*Mustafa Hasani*  
dr. Mustafa Hasani